



220200 Боғот шаҳарчаси Ўзбекистон кўчаси, 18 уй. Tel:31-51-807, faks:31-52-425

2020 йил «14» Март

№ 565и

Боғот шаҳарчаси

Хоразм вилояти ҳокимининг 2020 йил 28 февралдаги “Хоразм вилояти ҳудудида тўпланадиган ва амалда олиб чиқиладиган қаттиқ маиший чиқиндилар меъёрларини тасдиқлаш тўғрисида”ги 81қ-сонли қарорининг ижроси тўғрисида

Ўзбекистон Республикаси Президентининг 2017 йил 21 апрелдаги “2017-2021 йилларда маиший чиқиндилар билан боғлиқ ишларни амалга ошириш тизимини тубдан такомиллаштириш ва ривожлантириш чоратadbирлари тўғрисида”ги ПҚ-2916-сонли, 2019 йил 17 апрелдаги “2019-2028 йиллар даврида Ўзбекистон Республикасида қаттиқ маиший чиқиндилар билан боғлиқ ишларни амалга ошириш стратегиясини тасдиқлаш тўғрисида”ги ПҚ-4291-сонли ҳамда вилоят ҳокимининг 2020 йил 28 февралдаги 81қ-сонли қарорларининг ижросини таъминлаш мақсадида туман ҳудудида тўпланадиган ва амалда олиб чиқиладиган қаттиқ маиший чиқиндилар меъёрларини белгилаш мақсадида ҳамда Ўзбекистон Республикасининг “Маҳаллий давлат ҳокимияти тўғрисида”ги Қонунининг 6,25-моддаларига асосан

Қарор қиламан:

1. Хоразм вилояти ҳокимининг 2020 йил 28 февралдаги “Хоразм вилояти ҳудудида тўпланадиган ва амалда олиб чиқиладиган қаттиқ маиший чиқиндилар меъёрларини тасдиқлаш тўғрисида”ги 81қ-сонли қарори раҳбарлик ва ижро учун қабул қилинсин.

2. Вилоят ҳокимининг мазур қарори билан:

-Ўзбекистон Республикаси Экология ва атроф муҳитни муҳофаза қилиш давлат кўмитасининг (кейинги ўринларда - Давлат экология кўмитаси) 2020 йил 13 январь 01-04/1-16-сонли хати маълумот ва ижро этиш учун қабул қилинганлиги;

-Давлат экология кўмитаси томонидан амалга оширилган “Ўзбекистон Республикаси ҳудудида тўпланадиган ва амалда олиб чиқиладиган қаттиқ маиший чиқиндилар меъёрларини аниқлаш борасида экспериментал тадқиқот ва хронометраж ишларини ўтказиш” лойиҳаси доирасида Қорақалпоғистон Республикаси ҳамда Хоразм вилояти учун шимолий ҳудуд сифатида белгиланган Нукус шаҳрида қиш, баҳор, ёз, куз мавсумларида

Нукус шаҳри ҳокимининг тегишли фармойишлари асосида тузилган ишчи гуруҳлар иштирокида ўтказилган тадқиқот ва хронометраж ишларининг натижалари иловага мувофиқ тасдиқланганлиги ва вилоят ҳудудида амалда жорий этилиши;

Белгилаб қўйилсинки, тўпланаётган ва амалда олиб чиқиладиган қаттиқ маиший чиқиндилар меъёрлари:

санитар тозалаш корхоналари фаолиятларини олдиндан режалаштириш;

чиқинди ташиш техникалари, механизмлар ва ускуналарга бўлган талаб ва эҳтиёжларни ҳисоб-китоб қилиш;

санитар тозалаш ташкилотларининг маиший чиқиндиларни йиғиш ва аҳоли пунктларидан олиб чиқиш хизматини кўрсатиш учун юридик ва жисмоний шахслар билан шартномалар тузиш;

маиший чиқиндиларни утилизация қилиш, зарарсизлантириш, қайта ишлаш соҳаларининг услублари ва усуллари белгилаш ҳамда чиқиндиларнинг атроф-муҳитга салбий таъсирларини камайтириш мақсадларида фойдаланиш;

Қаттиқ маиший чиқиндиларнинг тўпланиш меъёрларини қайта кўриб чиқиш ҳамда бу борада илмий-тадқиқот ва хронометраж ишларини ўтказиш ўрнатилган тартибда ҳар 5 йилда амалга оширилиши белгиланганлиги маълумот учун қабул қилинсин.

3. Туман экология ва атроф-муҳитни муҳофаза қилиш бошқармаси (А.Мавланов) туман ҳудудида санитар тозалаш соҳасида фаолият олиб бораётган туман “Тоза ҳудуд” ДУК (М.Сотимов) томонидан ҳудудларда кунлик ҳосил бўладиган қаттиқ маиший чиқиндиларни Қорақалпоғистон Республикаси Нукус шаҳрида ўтказилган тадқиқот натижаларидан келиб чиққан ҳолда олиб чиқиб кетилишини таъминласинлар.

4. Мазкур қарорнинг бажарилишини назорати туман ҳокимининг ўринбосари вазифасини бажарувчиси С.Хўжаниёзов зиммасига юклатилсин.

Боғот туман ҳокими



О.Холбоев